



Publicaziuns dalla vischnaunca, jamna 29

Damonda da baghegiar

2023-1064.000

Datum dalla publicaziun: 21 da fenadur 2023

Patrun: Sigisbert Manetsch-Camadini, Via Craps 7, 7186 Segnas
Representant: Sigisbert Manetsch-Camadini, Via Craps 7, 7186 Segnas
Intenziun: Midada d'intent dretg funsil puril
Edifeci nr.: 489 / 489A
Parcella: 3181
Adressa: Via Prau Sura 13, 7186 Segnas
Zona: Zona agricola
Zona da prighel: Negina

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2023-2045.000

Gabriella e Gieri Carigiet-Nelles, Salviasstrasse 10, 7205 Zizers; construcziun d'ina nova seiv da lenn, parcella 1155, Via Peisel 25, 7186 Segnas.

Nr. 2023-2047.000

Vendelin Jacomet-Beer, Via Peisel 18, 7186 Segnas; lavurs da manteniment vid igl edifices nr. 718, parcella 1145, Via Peisel 18, 7186 Segnas.

Nr. 2023-2048.000

STWEG Parz. 846, Via Raveras 23, 7180 Disentis/Mustér; sanaziun dalla fatschada ed ulivaziun dil terren, parcella 846, Via Raveras 23, 7180 Disentis/Mustér.

Uffeci da baghegiar Disentis/Mustér

Plan da quartier Alvezza – Revisiun parziala

Cun conclus dalla suprastanza communal dils 26 da mars 2014 ei il plan da quartier Alvezza entaus en vigur legala. Tenor decisiun dils 17 da fenadur 2023 intenda la suprastanza communal d'instradar la procedura per ina revisiun dil plan da quartier. Sefundond sin art. 53 dalla lescha davart il svilup dil territori pil cantun Grischun (LPTGR) ed art. 16 ss ed art. 21 dall'ordinaziun davart il svilup dil territori (OPTGR) succeda la comunicaziun davart l'intenziun dalla suprastanza communal suandontamein:

1. Igl intsches pertuccaus entras la revisiun dil plan da quartier cumpeggia las parcelas suandontas indicadas el register funsil dalla vischnaunca da Disentis/Mustér; nr. 1061, 2290, 3922, 3923, 3924, 3925, 3926, 3930, 3931, 3980, 3981, 3982 e 3985.

2. Dil plan cugl intschess pertuccau sa vegnir priu envesta duront las uras da spurtegl en casa communal (local d'exposiziun stanza nr. 10) ni sin la pagina d'internet www.disentis.ch/downloads.



3. La revisiun dil plan da quartier intenda l'examinaziun ed adattaziun dallas prescripziuns da construcziun ed utilisaziun concernent la parcella nr. 3922.

4. Protestas encunter l'intenziun d'instradar la revisiun dil plan da quartier Alvezza e la cunfinaziun digl intschess pertuccau san vegnir inoltradas enteifer 30 dis dapi il datum d'exposiziun alla suprastonza communal. Las protestas ein d'inoltrar a scret e da motivar.

Disentis/Mustér, ils 21 da fenadur 2023
Suprastonza communal Disentis/Mustér

Fiasta digl 1. d'uost a Disentis/Mustér

La fiasta digl 1. d'uost ha liug sil plaz avon la casa communal, en cass da malaura en halla Cons. La festivatad entscheiva allas 1800 e cuoza entochen allas 2400. Ei beneventa Vus la presidenta dil cussegl da vischnauca Helga Probst-Linder. Sarina Caduff, secretaria da fracziun, Allianz dil center GR salva il plaid festiv.

Suenter igl aperitiv purschius da Sedrun Disentis Turissem dat ei tratgas preparadas da commembers da Gastro Mustér/Val Medel sco era specialitads dil gril. Plinavon dat ei musica da divertiment cun il Duo Desertina, in schatg musical indigen, ina presentaziun dall'Uniun da gimnastica CADI – gruppa acrobatica MOVIS e cun ils Sunatibas Postabiala da Sumvitg.

Sco usitau dat ei in til da latiarnas pils affons (lampiuns vegnan mess a disposiziun gratuitamein). Per dar ina speciala tempra a nossa fiasta naziunala fuss ei bi, sch'igl entir vitg vegness embellius cun bandieras e lampiuns. ENGRAZIEL!

Nus selegrein d'astgar beneventar Vus alla fiasta naziunala.

*Vischnauca Disentis/Mustér
Uniun da gimnastica CADI
Societad da musica Mustér
Uniun da costumes Mustér*

1. August-Feier in Disentis/Mustér

Die 1. August-Feier findet auf dem Platz vor dem Gemeindehaus statt, bei schlechtem Wetter in der Halle Cons. Die Feier beginnt um 18 Uhr und dauert bis 24 Uhr.

Es begrüsst Sie die Gemeinderatspräsidentin Helga Probst-Linder. Die Festansprache hält dieses Jahr Sarina Caduff, Fraktionssekretärin, die Mitte GR.

Nach dem von Sedrun Disentis Tourismus offerierten Apéro, bietet die Festwirtschaft verschiedene kulinarische Spezialitäten, welche von Mitgliedern der Gastro Disentis/Val Medel zubereitet werden sowie Feines vom Grill. Ferner unterhalten Sie das Duo Desertina, eine weitere einheimische musikalische Darbietung, die Show des Turnvereins CADI - Akrobatikgruppe MOVIS und die Alphornbläser Postabiala aus Sumvitg. Wie üblich gibt es auch dieses Jahr einen Laternenumzug für die Kinder (Lampions werden gratis zur Verfügung gestellt).

Um unserem Nationalfeiertag eine spezielle Note zu verleihen, freuen wir uns, wenn das ganze Dorf geschmückt bzw. beflaggt wird. Vielen Dank!

Wir freuen uns, Sie an unserer Nationalfeier begrüßen zu dürfen.

*Gemeinde Disentis/Mustér
Turnverein CADI
Musikgesellschaft Mustér
Trachtenverein Mustér*



Messa alpestra Alp Russein

Mardis, igl 1. d'uost 2023. Messa allas 11.30. Per quei di ei la via aviarta per tut il traffic. Cordialmein envida ils pursenavels dal`alp Russein e Cavrein.

Invitaziun SENIORA-CA

Gievgia, ils 27 da fenadur 2023 excursiun cun s. Messa dil pass Lucmagn **da tutt'aura e silsuenter gentar a Mutschnengia allas 12.30.**

Rinmada: allas 10.00 sper halla Cons a Mustér - transport organisau.

S. Messa: allas 11.00 en la caplutta sil pass Lucmagn cun avat Vigeli Monn.

Partenza: allas 12.00 – transport organisau.

Gentar: allas 12.30 gentar a Mutschnengia el hotel Cuntera (gentar cun 3 tratgas cun caffè pil prezi usitau).

Cumpignia: dar troccas/jass ...

Retuorn: tenor giavisch sigl auto da posta a Curaglia allas 13.58/15.29/17.29 (transport organisau tier igl auto da posta a Curaglia).

Annunzia: entochen gliendisdis, ils 24-7-2023 allas 17.00 a PUNTREIS sut 081 929 56 56.

Cuosts: Il gentar ella rama dallas davosas gadas ed ina mudesta contribuziun per viadi ed occurrenza!

Per ulteriuras damondas: 079 426 01 37 (Linus).

Cordial beinvegna *team Seniora-Ca*
